

Na osnovu člana 13. Zakona o organizaciji i nadležnostima kantonalnih organa uprave i upravnih organizacija ("Službeni glasnik USK", broj: 09/13, 11/14, 08/15), a u vezi sa članom 29. Zakona o predškolstvu („Službeni glasnik Unsko-sanskog kantona“, broj: 3/97, 6/05 i 23/11), članom 23. Zakona o osnovnom i općem srednjem odgoju i obrazovanju ("Službeni glasnik Unsko-sanskog kantona", broj: 5/04, 7/10 i 11/15), članom 75. Zakona o srednjem obrazovanju („Službeni glasnik Unsko-sanskog kantona“, broj: 17/12), Pedagoških standarda za osnovno obrazovanje („Službeni glasnik Unsko-sanskog kantona“, broj: 12/2012 i 14/2013) i Pedagoških standarda i normativa za srednje obrazovanje („Službeni glasnik Unsko-sanskog kantona“ broj: 14/04, 12/08, 8/11 i 17/14), ministar Ministarstva obrazovanja, nauke, kulture i sporta d o n o s i

Pravilnik o izmjenama i dopunama Pravilnika o odgoju i obrazovanju, praćenju i ocjenjivanju djece s teškoćama u razvoju u Unsko-sanskom kantonu

Član 1.

U članu 47. Pravilnika o odgoju i obrazovanju, praćenju i ocjenjivanju djece s teškoćama u razvoju u Unsko-sanskom kantonu („Službeni glasnik Unsko-sanskog kantona“, broj: 15/2015) stav (6) se briše. Stav (7) postaje stav (6).

Član 2.

U članu 50. stav (1) se mijenja i glasi:

„(1) Posao pomoćnika u odgojno-obrazovnom procesu/asistenta može obavljati osoba koja ima:

- a) visoko obrazovanje (240 ECTS) ili ekvivalent - defektolog bilo kojeg usmjerenja, edukator-rehabilitator, logoped-surdoaudiolog – za sve škole,
- b) visoko obrazovanje (240 ECTS) ili ekvivalent nastavničkog usmjerenja, pedagog, psiholog, pedagog - psiholog, socijalni radnik – za sve škole,
- c) visoko obrazovanje (180 ECST), više obrazovanje nastavničkog usmjerenja - samo za predškolske ustanove i osnovne škole,
- d) visoko obrazovanje (180 i 240 ECTS) ili ekvivalent nenastavničkog usmjerenja sa položenom pedagoško-psihološkom grupom predmeta – samo za srednje škole. „

U članu 50. stav (2) riječi: „tačka b) i e)“ zamjenjuju se riječima: „tačka b), c) i d)“.

U članu 50. stav (3) riječi: „tačka b) i c)“ zamjenjuju se riječima „tačka b), c) i d)“. U istom stavu na kraju rečenice tačka se briše i dodaju riječi: „ako se za poslove pomoćnika u nastavi/asistenta nije prijavila osoba iz stava (2) ovog člana.“.

Član 3.

U članu 55. stav (1) brišu se riječi „stav 5“. U istom stavu riječi „člana 8. Kriterija o načinu bodovanja kandidata/kandidatkinja prilikom zasnivanja radnog odnosa u predškolskim ustanovama, osnovnim i srednjim školama i đačkim domovima na području Unsko-sanskog kantona („Službeni glasnik Unsko-sanskog kantona“, broj: 2/12 i 23/12)“ se brišu i zamjenjuju riječima: „članom 2. i 3. Pravilnika sa kriterijima o bodovanju kandidata za prijem u radni odnos u odgojno-obrazovnim ustanovama Unsko-sanskog kantona („Službeni glasnik Unsko-sanskog kantona“, broj: 7/17).

U stavu (4) riječ „visoke“ se zamjenjuje sa riječima „stručne spreme sa kojom je uposlenik angažiran u skladu sa članom 50. stav (1) ovog Pravilnika“.

Član 4.

Ovaj Pravilnik stupa na snagu danom donošenja i objavit će se u „Službenom glasniku Unsko-sanskog kantona“.

Broj: 10-02-6809-5/17

Bihac, 19.10.2017.



Ministar
Muhammed Ramić
mr. sci. Muhamed Ramić